

Strateysh

son y

Ghaelg

2022- 2032



Gaelg son dy Chooilley Pheiagh



"Yn obbyr jeant car ny bleeantyn er y gherrit, t'ee er niartaghey nyn gree dy jarroo, er-lheh y caghlaa ayns yn aght ta sleih smoinaghtyn er y Ghaelg as fakin kys ta'n ghlare er ve aavioghit voish y vun neese."

COOISHYN STHIE

Roie-raa 3

Goan Foslee.....4

Yn Ghaelg6

Olteynyn & Parteeyn..... 7

Cooish 1: Stoo-yntsee cooie ta ry gheddyn dy h-aashagh 10

Cooish 2: Gaelg myr ayn scanshoil jeh enney ashoonagh as cultooroil13

Cooish 3: Gaelg son y theay Gaelgagh.....15

Cooish 4: Ynsagh fud bea voish lhiannooaght dys shenn-eash.....18



“Ta gysaghey Gaelg er chur dou undin shicky syn Ellan as er cho-chiangley mee dy ennaghtagh r’ee, cur dou ennaghtyn s’diuney dy chommeys ayns shoh.”

Fockle ny ghaa veih ny politickeyryn ain

S'taittin lhien failt y chur er y nah Strateysh copharteeagh son y Ghaelg, as ta shin treishteil dy jean shiu gobbragh marin dy chur eh ayns bree. V'eh er ny chummey liorish kiareyderyn y Ghaelg lesh cooney voish olteynyn y cho-phobble Gaelgagh, as nee eh shirrey dy yannoo shickyry bishaghey as fondid farraghtyn yn Ghaelg car ny jeih bleeaney ry-heet as ny sodjey liorish geiyrt er yn çhaghteraght ooilley-ghoailagh echey, 'Gaelg son dy chooilley pheiaigh' Shimmey red t'er ve cooilleenit car ny queig bleeaney chaie, er-lheh ta foddey smoo dy leih ayn nish as enn oc er y Ghaelg, ayns Mannin hene chammah's sy theihll mooar hoal. S'taittin lhien fakin ny kerrooynt theayagh as preevaadjagh jannoo soo dy vie jeh'n ghlare as toiggal dy vel ayn oc ayns y skeal eck nish as sy traa ry-heet. Sy theihll hoal, ta Mannin er chur yn ennym eck rish Ayrn Ill jeh Conaant Coonceil yn Oarpey son Glaraghyn Ardjynagh ny Myn-Ghlaraghyn, cowrey scanshoil jeh'n chiarail dy chur y ghlare er e toshiaght ayns tooilley ardjyn dy vea.

Ta'n Ghaelg cooney lhien cur-lesh stiagh ayns ny choryssyn ynsee ain ennaghtyn down dy enney as crootaght, t'ee troggal co-chianglaghyn sheshoil as co-phobblyn, chammah's greinnaghey ynsagh feiy'n vea, as t'ee jeh vondeish vooar da'n tarmayns. She cooid chultooroil er-lheh ee as ayn mooar jeh ny ta jannoo Mannin ny ynnyd-vaghee er-lheh, ynnyd raad ta eiraght chultooroil niartal as taitnyssagh ry-gheddyn, as red ennagh oddys mayd ooilley goaill moyrn vooar ass.

Shoh traa breeoil son y Ghaelg, as ta shin jeeaghyn roin dys fakin cummaltee Vannin çheet ry-cheilley lesh arryltys dy obbraghey cooidjagh dy lhiggey jee bishaghey ny smoo sy traa ry-heet.



Hon Julie Edge OKF

Shirveishagh Ynsee, Spoyrt as Cultoor



Hon Chris Thomas OKF

Shirveishagh Bun-troggalys

Caairliagh, Culture Vannin

GOAN FOSLEE

S'yindyssagh dy ve abyl dy hoiaghey magh y nah Strateysh copharteeagh son y Ghaelg, ta troggit er undin y chield phlan as er y phrinsabyl meanagh eck 'Gaelg son dy chooilley pheiagh'.

Ta cooid vooar jeh'n obbyr ain er ve mychione kys oddys y co-phobble Gaelgagh gobbragh smoo fondagh cooidjagh, co-oardaghey ny reddyn ta shin jannoo dy haghney dooblaghey nyn eabyn, as cur geill smoo da'n chooney strateyshagh ta ymmyrchagh dy chur er e hoshiaght ymmyd y Ghaelg. Shimmey red t'er chaghlaa ayns queig bleeaney, neesht, son y chooid smoo kyndagh rish polaseeyn ynsee speeideilagh t'er ve troggit er speeideilys shaleeyn prowit sy cho-phobble. Ta shin er nakin bishaghey ayns yn earroo dy rheynnyn y reiltys, sheshaghtyndellal as possanyn y trass-cherroo ta toiggal scansh y ghlare da'n enney theayagh oc, as ad jannoo ymmyd jeh'n ghlare ayns y vargeeaght oc, myr goan-foshlee er y çhellvane as dy chur failt er sleih.

Yn Tuarastyl Shallidagh ain 2017-2021 bentyn da'n chield phlan jantys, t'eh ry-gheddyn er-linney ayns shoh: www.learnmanx.com/jeebin

Shoh paart jeh ny h'ayrnyn smoo scanshoil:

- Ny sliee dy phaitçhyn troggit dy daa-hengoil, as three possanyn-cloie as daa ro-scoill vreeoil ghaa-ghlaragh fo stiurey Vooijer Veggey.
- Bishaghey dys 1,842 ayns yn earroo dy phaitçhyn scoill ta geddyn lessoonyn Gaelgagh kiarit liorish yn Unnid Gaelgagh.
- Jannoo ardeailley jeh'n 2000 vlein jeh'n Vunscoill Ghaelgagh sy vlein-scoill 2021-2022, scoill ta kiarail bun-ynsagh feer vie trooid Gaelg.
- Jannoo ardeailley jeh 120 blein jeh'n Çheshaght Ghailckagh ayns 2019.
- Cummal y chield turrys va rieu jeant dys Mannin jeh Bing Oayllee Coonceil yn Oarpey son Glaraghyn Ardjynagh ny Myn-ghlaraghyn.
- Cur ennym rish Ayrn III jeh Conaant Coonceil yn Oarpey son Glaraghyn Ardjynagh ny Myn-Ghlaraghyn.
- Cummal çhaglym ny shirveishee er kerroo-obbyr y Chooneil Ghoaldagh-Yernagh son Glaraghyn Dooghyssagh, Myn-ghlaraghyn as Glaraghyn Sloo-ymmydit ayns 2019.
- Cur er e hoshiaght stoyr-fys meanagh dy stoo-tasht.
- Troar vooar dy ronsaghey schoillaragh er cooishyn Gaelgagh, goaill stiagh studeyryssyn as pabyryn ollooagh breeoil ren cosney aundyryn, as pointeil dys curym eear-studeyrys ollooagh bentyn da'n Ghaelg.
- Gaase y Çhalee Corpus Gaelgagh, t'er n'ghoaill toshiaght er yn obbyr dy recortyssey, mac-screu as cur çheu ry heu çhyndaayssyn Baarlagh jeh'n verçhys dy henn chooid Ghaelgagh scruit, as dy chur ad er-linney raad t'ad ry-gheddyn nastee ayns cummey oddys ve ronsit – ta mysh 1.5 millioon dy ocklyn Gaelgagh er ve mac-scruit hannah.

- Co-chiangley smoo rish ardaneyn er-linney myr freggyrt da'n gorley feiy ny cruinney Covid-19, ren kiartaghey yn raad da saaseyn ynsee co-vestit trooid magh dy chooilley cheim dy ynsagh, er-lheh son ynseydee aasit. Ta learnmanx.com er ve aachiaddit dy ve ec cree yn chliaghtey noa shoh.
- Gaelg21, ardeailley mee er-lhiurid jeh'n Ghaelg, hie er cummal ayns sourey 2021 as ren tayrn stiagh lesh claare symoil dy haghartyrn as shaleeyn keeadyn dy leih, veih toshiaghteyryn gyn veg dy Ghaelg oc dys loayreyderyn flaaail.

Sy strateysh jeh bleeaney shoh ta shin cur tasteey er-lheh reesht da ynsagh as doostey sym er y ghlare, da gobbragh ry-cheilley dy fosley magh y Ghaelg da dy chooilley pheiaagh, dy chooilley voayl.

Er dyn toshiaght y ghorley feiy ny cruinney, ta brastyllyn as çhaglymyn er-linney er jeet dy ve ny smoo as ny smoo cadjin as ta prowal ayn dy vel ad bishaghey ny h'aghtyn oddys loayreyderyn as ynseydee geddyn yn Ghaelg boayl erbee t'ad sy theihll. Va shin kinjagh shickyry dy beagh aalid dooie as shennaghys y ghlare hene tayrnyssagh da sleih ayns çheeraghyn elley, as ta firrinys y chredjue shoh ry-akin nish.

Ta'n strateysh shoh cummal seose:

- Slattys Ynsee 2001 ta gra dy 'jean y curriglym goaill stiagh kiarail son gynsaghey y Ghaelg as cultoor as shennaghys Vannin' (Ayrnag 8/2b)
- Strateysh Lhiasee Ashoonagh son Cultoor as Ellynyn 2017-2027
- y scansh jeh cultoor as glare çheu-sthie jeh'n enmyssaght ard-ghooagh hooar Mannin myr Kemmyrk Seihll Bio ny h-Ashoonyn Unnaneyssit, v'er ny hickyraghey ayns 2016.
- Reiltys Ellan Vannin: Y Plan Ain, troggal traa ry-heet shickyry, bioyr as foddey-farraghtyn. Ta shin goaill rish as moylley yn ayn ta'n ghlare cloie ayns greinnaghey ynsagh feiy'n vea as ayns croo coraa er-lheh son yn Ellan feiy ny cruinney. Ta'n Ghaelg cur er e hoshiaght ennaghtyn dy enney ooilley-ghoaillagh ta niartaghey yn co-phobble ain myr boayl son dy chooilley pheiaagh ta baghey ayns ny ta tayrnytt dys Mannin.

Ta'n strateysh shoh cur tooilley geill da traenal as shirrey foayr y theay, da croo stoo-tasht noa, as da smooinghtyn er ny deanyn s'cooie bentyn da kiarail ynsagh sodjey. By laik lhien bishaghey yn earroo dy loayreyderyn as ynseydee ny Gaelgey dys 5,000 roish 2032. Nee mayd gobbragh dy chummal seose Ayrn III jeh Conaant Coonceil yn Oarpey son Glaraghyn Ardjynagh ny Myn-Ghlaraghyn, ta doolaney shin dy yannoo yn Ghaelg cooie da dy chooilley ayn jeh sheshaght as bea. She plan jantys bio t'ain, as nee mayd jannoo ass y noa eh as cur stiagh jantyssyn noa choud's vees mayd cur geill da femeyn caghlaaee yn cho-phobble Gaelgagh.

Gynsaghey as gymmydey yn Ghaelg, t'eh lhasaghey yn vea phersoonagh ain son shickyrys, agh t'eh cur dooin neesht vondeishyn tarmaynagh, t'eh cooney lhien cur Mannin er e toshiaght sy theihll eddyrashoonagh as t'eh niartaghey yn enney cultooroil as ashoonagh ain. Ta shin lane aggyndagh dy gobbragh ry cheilley nish as sy traa ry-heet dy chur y Ghaelg er e toshiaght er aghtyn ta goaill stiagh as lhiggey stiagh dy chooilley pheiaagh.

YN GHAE LG

She glare ghoosie Vannin y Ghaelg as ayns e strughtoor hene ta ry-gheddyn skeeal yn Ellan ain. Ga nagh vel agh earroo beg dy loayreyderyn eck, s'mooar ta'n goo eck feiy ny cruinney dauesyn ta streeu dy choadey as aavioghey glaraghyn t'ayns gaue. Shimmei peiagh t'ayn nish ta soiaghey mooar jeh Mannin myr sampleyr jeh 'cliaghtey share'.

Myr eiyrtys jeh shaleeyn mie-reaghit mastey'n they chammah's cooney voish Reiltys Vannin t'er ve jeerit er deanyn er-lheh, ta sym er y ghlare er n'aase dy mooar ayns ny bleeantyn er y gherrit. Foddee sleih jeh dy chooilley eash goaill soylley jeh'n Ghaelg, ayns ro-scoillyn, scoillyn, brastyllyn son sleih aasit as ayns y cho-phobble cadjin. T'eh ny chowrey-enney er-lheh neesht son y cho-phobble dellal as son Mannin ooilley cooidjagh. She nane jeh ny tashtaghyn cultooroil smoo scanshoil y Ghaelg; she skeeal dy speideilys son yn Ellan ee as red ennagh oddys mayd ooilley goaill moyrn vooar ass.



OLTEYNYN

Jeebin – possan cho-oardee ta dean echey coonrey as croo eieyn bentyn da tra a ry-heet y Ghaelg. Va'n possan currit er bun liorish y Rheyinn Ynsee, Spoyrt as Cultoor as Culture Vannin ayns Fouyr y vlein 2015. Ta Jeebin gobbragh cooidjagh dy chur y Ghaelg er e hoshiaght, as eh croo eieyn as deanyn çheu-sthie jeh'n Strateysh son y Ghaelg. T'eh kiarail shirveishyn 'scaaliaghee' dy chur y ghlare ooilley cooidjagh er e toshiaght, chammah's dy cho-oardaghey taghyrtyn ta çheet veih'n cho-phobble goll rish y Chooish.

Ta Jeebin çhebbal caaghyn son coonrey obbyr, plannyn as eieyn, dy vod co-oardaghey fondagh ve ayn eddyr skimmeeyn as sheshaghtyn. Ta shoh shaghney dooblaghey dy obbyr chammah's mooadaghey yn vondeish son y ghlare. Ta Jeebin ny hampleyr mie jeh kys oddys y reiltys as kirp elley gobbraghey ry-cheilley er aghtyn vees cur daue coraa stroshey.

Ta dagh oltey jeh Jeebin gobbragh son y ghlare ayns currym ny currym ennagh, agh t'ad goaill ayn neesht sy cho-phobble Gaelgagh smoo er caghlaaghyn aght myr arryltee. Ta ny sheshaghtyn giastyllagh as arryltagh er ve dy kinjagh ec cree yn aavioghey Gaelgagh. Ta Jeebin cur failt er eieyn oddys ve currit stiagh ayns y Strateysh son y Ghaelg as y plan jantys echey as foddee shiu shen y yannoo liorish cur fys gys fer erbee jeh olteynyn Yeebin ny ny reagheydyssyn oc.

Bunscoil Ghaelgagh (BG)

Bunscoil ta gynsaghey trooid Gaelg myr ayn jeh'n Rheyinn Ynsee, Spoyrt as Cultoor as lesh cooney voish Mooinjer Veggey.

Culture Vannin (CV)

Reagheydys giastyllagh (Undinys Eiraght Vannin) ta geddyn argid veih'n Reiltys dy chur cooney da as dy chur er e hoshiaght cultoor Vannin, goaill stiagh y Ghaelg. Ta'n Ving Ymskeaylley Gaelgagh as Coonceil ny Gaelgey fo'n churrym echey neesht.

Shirveish Choyrlee son Ynsagh - Rheyinn Ynsee, Spoyrt as Cultoor (SCY RYSC)

Va'n Çhirveish Choyrlee son Ynsagh currit er bun dy chur cooney da as dy lhiasaghey ynsagh ayns ro-scoillyn as scoillyn yn Ellan as Colleish Ollooscoil Ellan Vannin.

Unnid Gaelgagh y Rheyinn Ynsee, Spoyrt as Cultoor (UG RYSC)

Kiareyder shooyllagh jeh ynsagh Gaelgagh ayns bunscoillyn as scoillyn, goaill stiagh scrutaghtyn TCG as Leval-A.

Eiraght Ashoonagh Vannin (EAV)

Corp slattyssagh yn Ellan son eiraght, ta stiurey mooadys mooar dy eiraght chorporagh yn Ellan as ta cummal ayns treisht son yn ashoon thalloo, troggalyn, shenn recortyssyn, obbraghyn ellyn, lioarlann as chaglymyn thie-tashtee. Ayns ny chaglymyn echey ta rygheddyn ny laue-screenyn shinney ayns Gaelg chammah's recortyssyn sheean jeh paart jeh loayrtee ghooghyssagh s'jerree yn Ghaelg.

Mooijer Veggey (MV)

Sheshaght ynsee ghiastyllagh ta roie possanyn-cloie as daa ro-scoill, ta gobbragh marish y Vunscoill Ghaelgagh as ta cur cooney da paarantyn ta troggal nyn baitçhyn trooid Gaelg. Ta MV gobbragh dy chiarail ynsagh trooid mean y Ghaelg, dy vod paitçhyn geddyn ny vondeishyn ta çheet veih gynsaghey glare elley tra t'ad aeg.


PARTEEYN

Y Co-phobble Gaelgagh as Pohlderyn Elley yn Ghaelg

Va'n Strateysh son y Ghaelg er ny aarlaghey lesh cooney yn cho-phobble Gaelgagh er aghtyn ta cooie da'n phlannal strateyshagh oc hene son y traa ry-heet.

She Yn Çheshaght Ghailckagh (YÇG) y reagheydys shinney ny mast'oc, as ee currit er bun ayn 1899, as t'ee gobbragh dy chur er e toshiaght as dy chummal seose y ghlare trooid lessoonyn, liorish cur magh lioaryn as cummal taghyrtyn.

Ta'n ghlare cummit seose liorish caghlaaghyn keint dy heshaghtyn as sleih er-lheh ayns ny kerrooyn theayagh as preevaadjagh.





COOISH 1: STOO-TASHT COOIE TA RY GHEDDYN DY H'AASHAGH

Dean strateyshagh


- Nee mayd greinnaghey yn croo, cur-magh as cur er e hoshiaght jeh stoo-tasht noa.
- Nee mayd shickyraghey dy bee stoo-tasht erbee vees crooit er ny cho-oardaghey, cooie as jeh quallid vie, bentyn da dy chooilley eash as keim.
- Nee mayd gobbragh son tooilley bun-earrooghey jeh stoo-tasht Gaelgagh ec dy chooilley cheim.



COOISH 2: GAELG MYR AYRN SCANSHOIL JEH ENNEY ASHOONAGH AS CULTOOROIL

Dean strateyshagh

- Nee mayd gobbragh cooidjagh dy yannoo shicky dy jean yn Ghaelg tannaghtyn dy ve ry-akin mastey'n theay, foshlit da dy chooilley pheiaagh as aashagh dy gheddyn.
- Nee mayd cur y Ghaelg er e hoshiaght myr ayn scanshoil jeh'n enney ashoonagh as cultooroil er-lheh as noa-emshiragh ain.
- Nee mayd jannoo shicky dy bee vondeishyn daa-hengaghys er ny hoiggal.



COOISH 3: GAELG SON Y THEAY GHAELGAGH

Dean strateyshagh

- Nee mayd cur cooney daue vees gearree gymmydey yn Ghaelg sy lught-thie, ayns scoillyn, ec obbyr as ayns y traa seyr oc.
- Nee mayd gobbragh dy yannoo shicky dy bee yn ghlare foshlit da dy chooilley pheia gh as gyn far-vriwnys erbee.
- Nee mayd cur cooney da paarantyn vees troggal ny paitçhyn oc myr loayreyderyn y Ghaelg, as adsyn vees cur ny paitçhyn oc dy ve ynsit trooid Gaelg, as croo caaghyn son ymmyd sheshoil y Ghaelg.
- Nee mayd cur er e hoshiaght cohaggloo eddyr possanyn glare chammah ayns Mannin as sy theihll eddyrashoonagh.



COOISH 4: YNSAGH FEIY'N VEA VOISH OIKANYS DYS SHENN-EASH

Dean strateyshagh

- Nee mayd shickyraghey dy bee ec peia gh erbee, boayl erbee, caa dy ynsaghey as dy loayrt y Ghaelg as dy bee scansh y ghlare son cooidjaghtys y cho-phobble er ny hoiggal.
- Nee mayd cooney lesh croo cassan ynsee as claare traenal shicky son geddyn as freayl obbreyn Gaelgagh ayns buill ynsee.
- Nee mayd gobbragh dy vishaghey yn earroo dy loayreyderyn as ynseydee yn Ghaelg dys 5,000 roish 2032.
- Nee mayd shirrey magh aghtyn dy vishaghey moodys y chooney ta kiarit da'n ghlare.



"Mannagh vel shin freayll y Ghaelg bio nish, cha bee glare erbee sy traa ry-heet oddys sleih gynsaghey as goaill soylley j'ee."



Vershoon S'jerree Coardit

Er ny chummey liorish Chrissy Callaghan as Jo Callister (RYSC SCY) Phil Gawne (MV) Ruth Keggin Gell as Dr Breesha Maddrell (CV) Julie Matthews (BG) Rob Teare (RYSC UG) as Nicola Tooms (EAV) chammah's y Co-phobble Gaelgagh (Parteeyn)